

Na osnovu člana 63. stav (1) tačka d) Zakona o visokom obrazovanju – prečišćeni tekst („Službene novine TK“ broj: 21/21, 22/21, 5/22, 11/22 i 16/22), a u vezi sa članom 101. istog Zakona, te člana 52. stav (1) tačka b) i člana 183. stav (5) Statuta Univerziteta u Tuzli (Prečišćeni tekst) broj: 03-5695-1-2/23 od 18.10.2023. godine, Senat Univerziteta u Tuzli godine na sjednici održanoj 22.05.2024. godine donio je

**Pravila i procedure  
za prijem i upis studenata u prvu godinu prvog i integriranog prvog i drugog ciklusa  
studija na Univerzitet u Tuzli  
(Drugi Prečišćeni tekst)**

**Član 1.**

Ovim Pravilima i procedurama bliže se uređuju uslovi i kriteriji za prijem studenata, procedure prijave, odabira i upisa studenata, način polaganja prijemnog ispita, način utvrđivanja redoslijeda kandidata prijema kandidata za upis, te način postupanja po prigovoru na objavljene rezultate, kao i druga pitanja od značaja za definisanje procedura za prijem i upis studenata.

***Nadležnost i odgovornost za prijem studenata***

**Član 2.**

Univerzitet upisuje studente u prvu godinu prvog ciklusa studija na osnovu Odluke Senata Univerziteta o broju studenata za upis u prvu godinu prvog ciklusa studija na Univerzitet u Tuzli, strukturi studenata u pogledu načina finansiranja kao i utvrđivanju visine participacije i školarine studenata svih studijskih godina u troškovima studija, uz prethodnu saglasnost Vlade TK-a.

Odluka o upisu studenata, pored elemenata sadržanih u prethodnom stavu, sadrži broj studenata po fakultetima/Akademiji/studijskim odsjecima/studijskim programima.

***I NAČIN PRIJEMA STUDENATA***

**Član 3.**

(1)Upis studenata u prvu godinu prvog i integriranog prvog i drugog ciklusa studija obavlja se na osnovu javnog konkursa kojeg donosi Senat, a koji se objavljuje u sredstvima javnog informisanja i web stranici Univerziteta.

(2)Konkurs sadrži: broj kandidata koji se upisuju (domaćih i stranih državljanina) koji će se finansirati iz budžeta, broj kandidata koji će se sami finansirati (domaćih i stranih državljanina), visinu troškova studija za državljane BiH i strane državljane koji se sami finansiraju, uslove prijema, kriterije za utvrđivanje redoslijeda prijema kandidata, način provjere znanja i sposobnosti kandidata za odgovarajući studij (prijemni ispit), način vrjednovanja uspjeha ostvarenog u toku srednjoškolskog obrazovanja, način vrjednovanja rezultata sa eksterne mature koje je kandidat ostvario tokom srednjoškolskog obrazovanja, vrijeme podnošenja prijave na konkurs, isprave koje se prilaže uz prijavu na konkurs, datum polaganja prijemnog ispita, organe i postupak za zaštitu prava kandidata koji su nezadovoljni rezultatima prijemnog ispita, odnosno koji nisu primljeni, rok objavljivanja konačne rang liste i druge relevantne podatke, u skladu sa zakonom i Statutom Univerziteta.

***1. Uslovi za prijem studenata, način podnošenja prijave i potrebna dokumentacija***

**Član 4.**

(1)Pravo učešća na konkursu imaju kandidati državljanini BiH, strani državljanini i lica bez državljanstva koji su završili srednju školu u četvorogodišnjem trajanju u Bosni i Hercegovini, kao

i kandidati koji su srednju školu završili izvan Bosne i Hercegovine, a za koje je nakon postupka nostrifikacije, odnosno ekvivalencije utvrđeno da imaju završeno odgovarajuće srednje obrazovanje.

(2) Pravo učešća na konkursu imaju i kandidati sa završenom srednjom stručnom školom u četverogodišnjem trajanju, ukoliko su stekli dopunsko obrazovanje iz općeobrazovnih predmeta u gimnaziji ili srednjoj tehničkoj i srednjoj školi, o čemu prilaže odgovarajući dokaz.

(3) Pravo za prijem na redovni studij imaju nezaposlena/izdržavana lica, a zaposlena lica imaju pravo učešća na konkursu na studijske programe na kojima se nastava organizuje za vanredne studente koji se sami finansiraju.

### Član 5.

Prijava na konkurs, sa potrebnom dokumentacijom podnosi se na propisanom obrascu, u roku utvrđenom konkursom, studentskoj službi fakulteta/Akademije lično ili preporučeno putem pošte.

### Član 6.

(1) Uz prijavu na konkurs kandidat obavezno prilaže:

- ovjerenu kopiju ili originalnu diplomu o završenoj srednjoj školi,
- ovjerenu kopiju ili originalna svjedočanstva svih razreda srednje škole,
- izvod iz matične knjige rođenih,
- uvjerenje o državljanstvu (ne starije od 6 mjeseci),
- ljekarsko uvjerenje prilaže uz prijavu na konkurs samo kandidati za upis na Fakultet za tjelesni odgoj i sport.

(2) Kandidati koji su u srednjoj školi polagali eksternu maturu prilaže obavezno i uvjerenja o polaganju mature u srednjoj školi, odnosno u gimnaziji, u originalu ili ovjerenu kopiju.

(3) Kandidati koji pripadaju kategoriji lica iz člana 18. Zakona o dopunskim pravima boraca i članova njihovih porodica-Precišćeni tekst ("Službene novine TK", broj: 10/20,14/20,14/22, 9/23 i 5/24), kao i lica koja pripadaju kategoriji civilnih žrtava rata, u smislu člana 73. tačka 13. Zakona o socijalnoj zaštiti, zaštiti civilnih žrtava rata i zaštiti porodice sa djecom – drugi precišćeni tekst („Službene novine Tuzlanskog kantona“, broj 18/23), prilaže i uvjerenje nadležnog organa o pripadnosti toj kategoriji lica.

(4) Prijave podnesene poslije utvrđenog roka, kao i nepotpune prijave neće se uzeti u razmatranje.

(5) Prijave za upis su oslobođene plaćanja takse.

### Član 7.

Postupak upisa studenata u prvu godinu prvog i integriranog prvog i drugog ciklusa studija provodi se primjenom Zakona o upravnom postupku F BiH.

### Član 8.

(1) Nadzor nad procedurama prijave, odabira i upisa studenata vrši komisija za realizaciju konkursa za prijem studenata (u daljem tekstu: komisija fakulteta/Akademije), koju čine dekan, prodekan za nastavu i pomoćnik generalnog sekretara.

(2) Dekan fakulteta/Akademije obrazuje komisije za provođenje procedura, iz reda zaposlenika fakulteta/Akademije, odnosno iz reda drugih zaposlenika Univerziteta ako fakultet/Akademija nema dovoljan broj svojih zaposlenika, pri čemu jedan zaposlenik može biti član samo jedne komisije i to:

- Komisija za unošenje i obradu podataka prijavljenih kandidata,
- Komisija za pripremu testova,
- Komisija za provođenje dežurstva na prijemnom ispitu,
- Komisija za pregled testova i
- Komisija za žalbe.

### Član 9.

(1) Komisija fakulteta/Akademije je dužna da obezbijedi tajnost ispitnog materijala i druge dokumentacije do okončanja prijemnog ispita, da organizuje konzistentan rad komisija iz

prethodnog stava, da izvrši šifriranje i dešifriranje radova kandidata, te da sačini privremenu rang-listu primljenih kandidata.

(2) U rješenjima o imenovanju komisija utvrđuje se tačan opis zadataka komisije kao i rokovi u kojima se trebaju provesti.

#### **Član 10.**

Dokumentacija o provedenim procedurama po Konkursu čuva se jednu akademsku godinu.

### ***II POSTUPAK ODABIRA KANDIDATA***

#### ***1. Kriteriji odabira kandidata***

#### **Član 11.**

(1) Odabir kandidata vrši se na osnovu ostvarenog broja bodova prema opštim i pojedinačnim kriterijima, uspjehu ostvarenom na prijemnom ispitu, te rezultatima sa eksterne mature koje je kandidat ostvario tokom srednjoškolskog obrazovanja.

(2) Maksimalan broj bodova po svim kriterijima iznosi 100.

(3) Prijemni ispit polaže svi kandidati.

(4) Prijemni ispit je eliminatoran.

(5) Kandidat na prijemnom ispitu mora ostvariti najmanje 20 bodova da bi ušao u dalji postupak rangiranja.

(6) Test ili druga pisana forma prijemnog ispita vrši se u ovjerenom duplikatu od čega jedna kopija ostaje fakultetu a druga se uručuje kandidatu, neposredno po završetku prijemnog ispita.

#### **Član 12.**

(1) Rangiranje kandidata vrši se na osnovu ukupnog broja ostvarenih bodova, prema sljedećim kriterijima:

- opšti kriteriji odnose se na postignuti uspjeh u srednjoj školi i iznose najviše 50 bodova;
- pojedinačni kriteriji odnose se na prosjek ocjena iz jednog do tri predmeta, iz dva razreda srednje škole, koji su od značaja za odgovarajući studij i vrjednuje se sa najviše 5 bodova;
- prijemni ispit polaže se kroz test provjere znanja i sposobnosti kandidata iz jednog do tri predmeta koji su od značaja za odgovarajući studij i vrjednuje se sa maksimalno 40 bodova;
- kriterij po osnovu eksterne mature vrjednuje se sa najviše 5 bodova .

(2) Ukupan broj bodova po svim kriterijima iz stav (1) ovog člana iznosi 100 bodova.

#### **Član 13.**

(1) Izuzetno, od kriterija utvrđenih u članu 12. ovih Pravila i procedura, rangiranje kandidata za prijem na Akademiju dramskih umjetnosti vrši se prema sljedećim kriterijima:

- opšti kriteriji odnosi se na postignuti uspjeh u srednjoj školi i vrjednuje se sa najviše 15 bodova;
- pojedinačni kriteriji odnose se na prosjek ocjena iz jednog do tri predmeta, iz dva razreda srednje škole, koji su od značaja za Akademiju i vrjednuju se sa najviše 5 bodova;
- kriterij po osnovu eksterne mature vrjednuje se sa najviše 5 bodova,
- prijemni ispit vrjednuje se sa maksimalno 75 bodova od čega:

1. kvalifikacioni ispit maksimalno sa 25 bodova,
  2. eliminacioni ispit maksimalno sa 50 bodova.
- (2) Prijemni ispit kandidati polažu u tri dijela: kvalifikacioni ispit, rad u užem izboru i završni eliminacioni ispit.
- (3) Kandidat na prijemnom ispitu na Akademiji mora ostvariti najmanje 40 bodova da bi ušao u dalji postupak.

#### **2. Pojedinačni kriteriji**

#### **Član 14.**

- (1) Pojedinačne kriterije za prijem novih studenata utvrđuje Senat Univerziteta, na prijedlog naučno- nastavnog/umjetničko-nastavnog vijeća fakulteta/Akademije za svaku akademsku godinu.
- (2) Pojedinačnim kriterijima utvrđuju se nastavni predmeti koji su od posebnog značaja za određenu vrstu studija i boduju na način utvrđen u članu 15. ovih Pravila i procedura.

#### **3. Način bodovanja kriterija**

#### **Član 15.**

- (1) Broj bodova po osnovu **opštih kriterija, za Fakultete**, utvrđuje se tako da se prosječna ocjena iz svih predmeta, u svim razredima srednje škole, množi brojem **10 (deset)** i nakon toga zaokružuje na dvije decimale.
- (2) Broj bodova po osnovu **opštih kriterija, za Akademiju**, utvrđuje se tako da se prosječna ocjena iz svih predmeta, u svim razredima srednje škole, množi brojem **3 (tri)** i nakon toga zaokružuje na dvije decimale.
- (3) Broj bodova po osnovu **pojedinačnih kriterija, za Fakultete/Akademiju**, utvrđuje se kao prosječna ocjena iz jednog do tri predmeta, u skladu sa Konkursom, iz dva razreda srednje škole, koji su od značaja za odgovarajući studij i nakon toga zaokružuje na dvije decimale, pri čemu se uzimaju ocjene povoljnije za kandidate iz dva razreda srednje škole.
- (4) U slučaju da kandidat u srednjoj školi nije imao sve predmete od značaja za odgovarajući studij ili nije imao predmet u dva razreda, prosječna ocjena se izračunava tako što se za predmete koje kandidat nije imao unosi **0 (nula)** i dijeli se sa brojem ocjena iz predmeta koji su od značaja za odgovarajući studij.
- (5) Broj bodova po osnovu **eksterne mature**, za Fakultete/Akademiju, utvrđuje se tako da se prosječna ocjena ostvarena na eksternoj maturi zaokružuje na dvije decimale.

#### **4. Prijemni ispit**

#### **Član 16.**

Prijemni ispit polaže se u terminu utvrđenom Konkursom, istovremeno na svim studijskim programima.

#### **Član 17.**

- (1) Prijemnom ispitu može pristupiti kandidat čija je prijava na konkurs potpuna, blagovremena i koji ispunjava uslove iz člana 4. stavovi (1) i (2) ovih Pravila i procedura.
- (2) Identifikacija kandidata na prijemnom ispitu vrši se ličnim dokumentom sa fotografijom kao što je: lična karta, pasoš ili vozačka dozvola.
- (3) Kandidatu koji zakasni na prijemni ispit neće biti omogućeno polaganje istog.
- (4) Prijemni ispit kandidat polaže pismeno, pod šifrom imena i prezimena koja se pečati u posebnoj koverti.
- (5) Kandidat sa posebnim potrebama, uz prethodno podneseni pismeni zahtjev dekanu fakulteta polaže prijemni ispit na način prilagođen njegovoj potrebi, u skladu sa Statutom i posebnim opštom

aktom Univerziteta.

(6) Test kandidata iz prethodnog stava se ovjerava pečatom studentske službe fakulteta/ADU.

### **Član 18.**

Ukoliko kandidat tokom prijemnog ispita koristi nedopuštena sredstva kao što su: prepisivanje, korištenje nedozvoljenih tehničkih uređaja, ometanje tokom prijemnog ispita ili obavlja druge nedopuštene radnje, službeno lice fakulteta koje dežura na prijemnom ispitu će ga udaljiti sa ispita o čemu će odmah po završetku prijemnog ispita sačiniti službenu zabilješku i dostaviti je centralnoj komisiji fakulteta/ADU.

### **Član 19.**

- (1) Kandidat koji ne pristupi prijemnom ispitu eliminiše se iz procedura prijema na Univerzitet.
- (2) Izuzetno, kandidat koji iz naročito opravdanih razloga ne pristupiti ispitu kao što su: smrt užeg člana porodice, iznenadna teška bolest i bolničko liječenje, ili zbog nemogućnosti da pristupi ispitu zbog prekida saobraćaja koji se može dokazati, najkasnije narednog dana može podnijeti zahtjev Komisiji fakulteta/Akademije za omogućavanje naknadnog polaganja prijemnog ispita, uz pružanje dokaza o spriječenosti polaganja prijemnog ispita, na dan utvrđen konkursom.
- (3) Odluku po zahtjevu kandidata komisija fakulteta/Akademije donosi narednog dana, sa bližim uputama, ukoliko se zahtjevu udovolji.

### **Član 20.**

- (1) Komisija fakulteta/Akademije definije uputstvo koje sadrži: način sastavljanja testova koji sadrži način definisanja davanja odgovora, način bodovanja, učešće pojedinih predmeta u ukupnom broju bodova koji se može ostvariti na prijemnom ispitu, a na grupaciji tehničkih fakulteta na kojima se izrađuju zadaci, način vrednovanja djelimično izrađenih zadataka.
- (2) Komisija iz prethodnog stava sačinjava Uputstvo prije održavanja prijemnog ispita i isto čini sastavni dio dokumentacije o provedenom konkursu.

### **Član 21.**

- (1) Prijemni ispit iz jednog predmeta radi se najmanje od jednog do tri školska časa efektivno, u zavisnosti od broja predmeta iz kojih se radi prijemni ispit. Prijemni ispit iz predmeta matematika/fizika radi se do tri školska časa.
- (2) Pismeni dio prijemnog ispita obavezno se radi nebrisivom hemijskom olovkom plave boje.
- (3) Kandidat koji se ne bude pridržavao Uputstva datog u prethodnom članu će biti udaljen sa prijemnog ispita.
- (4) Ukoliko se odgovor na pitanje daje po sistemu zaokruživanja, svaki drugi oblik označavanja (precrtyvanje, podvlačenje, dopisivanje i sl.) smatraće se netačnim odgovorom.

### **Član 22.**

- (1) O provedenom prijemnom ispitu Komisija sačinjava Zapisnik, koji sadrži podatke o broju lica koja su pristupila prijemnom ispitu u određenoj prostoriji, kao i sva druga relevantna zapažanja.
- (2) Komisija fakulteta/Akademije je u obavezi pripremiti pismene upute o polaganju prijemnog ispita za svakog kandidata radi upoznavanja sa načinom izrade prijemnog ispita.

### **5. Rang lista kandidata**

### **Član 23.**

- (1) Nakon provedenog prijemnog ispita komisija fakulteta/Akademije sačinjava privremenu rang-listu primljenih kandidata, prema broju bodova ostvarenom po opštim i pojedinačnim kriterijima, ostvarenom uspjehu na prijemnom ispitu te rezultatu sa eksterne mature tokom srednjoškolskog obrazovanja i to od najvećeg do najmanjeg broja ostvarenih bodova.
- (2) Ukoliko kandidati, primjenom svih kriterija iz stava (1) ovog člana ostvare jednak broj bodova,

prednost za upis ima kandidat koji pripada kategoriji lica iz člana 18. stav (1) Zakona o dopunskim pravima boraca i članova njihovih porodica - Prečišćeni tekst ("Službene novine TK", broj:1 0 / 2 0 ), pod uslovom da je uz prijavu na konkurs dokumentovao pripadnost toj kategoriji.

(3) Pravo upisa na studijski program ostvaruju kandidati koji se nalaze na rang listi zaključno sa rednim brojem koji je odobren konkursom.

(4) Privremena rang-lista se objavljuje na oglasnoj tabli fakulteta/Akademije, u roku utvrđenom Konkursom.

(5) Kandidat ima pravo izvršiti uvid u svoj pismeni rad, u žalbenom roku koji je određen Konkursom.

#### **Član 24.**

Odredba člana 23. stav (2) i (3) ovih Pravila neće se primjenjivati pri upisu studenata u prvu godinu prvog i integriranog prvog i drugog ciklusa studija u ak. 2020/21 godini.

#### **Član 25.**

(1) Izuzetno, odredbe članova 11. i 12. ovih Pravila, zbog stanja prouzrokovanih koronavirusom – COVID 19 neće se primjenjivati pri upisu studenata u prvu godinu prvog i integriranog prvog i drugog ciklusa studija na fakultete Univerziteta u akademskoj 2020/21. godini.

(2) Odabir kandidata vršiti će se na osnovu ostvarenog broja bodova , prema opštim i pojedinačnim kriterijima kako slijedi:

- **opšti kriteriji** se odnose na opšti uspjeh učenika u srednjoj školi i iznosi najviše **70 bodova**.

(3) Broj bodova po osnovu opštih kriterija utvrđuje se tako što se prosječna ocjena, iz svih predmeta, u sva četiri razreda srednje škole, zaokružena na dvije decimale, množi brojem 14 (četrnaest).

- **pojedinačni kriteriji** se odnose na prosjek ocjena iz jednog do tri predmeta iz dva razreda srednje škole, zaokružen na dvije decimale, koji su od značaja za odgovarajući studij (a koji su povoljniji za kandidata) i iznose najviše **30 bodova**.

(4) Broj bodova po osnovu pojedinačnih kriterija se dobije tako što se prosječna ocjena iz jednog do tri predmeta iz dva razreda srednje škole, zaokružena na dvije decimale, pomnoži brojem 6 (šest).

#### **Član 26.**

(1) Privremena rang lista primljenih kandidata, u skladu sa odlukom Senata o odobrenom broju za upis studenata sadrži pregled kandidata koji su ostvarili pravo na upis na finansiranje iz Budžeta Kantona i pregled kandidata koji se sami finansiraju (plaćaju školarinu), rangiranih od najvećeg do najmanjeg broja ostvarenih bodova.

(2) Privremena rang lista kandidata sadrži i imena kandidata čije prijave nisu uzete u razmatranje shodno članu 4. stav (1) i (2) ovih Pravila i procedura, kao i imena kandidata čije prijave na konkurs su odbačene kao nepotpune ili neblagovremene.

#### **6. Prigovor na rezultate rang-liste**

#### **Član 27.**

(1) Na objavljenu privremenu rang-listu kandidat može uložiti pismeni prigovor naučno-nastavnom/umjetničko-nastavnom vijeću putem komisije za žalbe.

(2) Pismeni prigovor kandidati podnose komisiji za žalbe putem studentske službe fakulteta/ADU, u roku od 3 dana računajući od narednog dana od dana objavljivanja privremene rang liste.

(3) Naučno-nastavno/umjetničko-nastavno vijeće fakulteta/Akademije razmatra prigovor kandidata kao i prijedlog komisije za žalbe, te odlučuje o istom obrazloženim rješenjem.

(4) Naučno-nastavno vijeće na istoj sjednici utvrđuje konačnu rang listu primljenih kandidata koju objavljuje na oglasnoj ploči fakulteta/Akademije narednog dana od dana usvajanja, sa naznakom

kandidata koji su ostvarili pravo na upis.

### **III UPIS PRIMLJENIH KANDIDATA**

#### **Član 28.**

(1) Upis primljenih kandidata vrši se na osnovu konačne rang liste u roku utvrđenom konkursom.

(2) Prilikom upisa kandidati su dužni priložiti:

- ljekarsko uvjerenje (osim na Fakultetu za tjelesni odgoj i sport, koji su predali uz prijavu na konkurs za upis);
- dokaz o uplati participacije/školarine u troškovima studija;
- propisane obrasce za upis: upisni list, semestralni list, upisnica – indeks, dvije kolor fotografije formata za indeks.

#### **Član 29.**

(1) U slučaju da se odobreni broj kandidata za upis ne realizuje u prvom upisnom roku, organizovaće se naredni upisni rok, što će biti objavljeno putem oglasne ploče fakulteta/Akademije i sredstava javnog informisanja.

(2) Organizacija narednog upisnog roka obavlja se na način i u terminima utvrđenim Konkursem.

(3) Kandidati koji u prvom upisnom roku ne ostvare pravo na upis, svoje učešće na narednom upisnom roku potvrduju podnošenjem novog obrasca prijave.

#### **Član 30.**

Kandidat koji ne ostvari pravo na upis, niti potvrdi učešće na narednom upisnom roku, dokumenta predata uz prijavu na Konkurs lično preuzima u studentskoj službi fakulteta.

### **IV PRELAZNE I ZAVRŠNE ODREDBE**

#### **Član 31.**

Prečišćeni tekst Pravila i procedura za prijem i upis studenata u prvu godinu prvog i integriranog prvog i drugog ciklusa studija na Univerzitet u Tuzli obuhvata:

- Pravila i procedure za prijem i upis studenata u prvu godinu prvog i integriranog prvog i drugog ciklusa studija na Univerzitet u Tuzli (Prečišćeni tekst) Broj: 03-1923-1-3/21 od 19.04.2021. godine,
- Odluku o izmjenama i dopunama Pravila i procedura za upis studenata u prvu godinu prvog i integriranog prvog i drugog ciklusa studija na Univerzitet u Tuzli tek (Prečišćeni tekst) Broj: 03-2143-1-19/21 od 05.05.2021. godine i
- Odluku o izmjenama i dopunama Pravila i procedura za upis studenata u prvu godinu prvog i integriranog prvog i drugog ciklusa studija na Univerzitet u Tuzli (Prečišćeni tekst) Broj: 03- 2853-1-1/21 od 16.06.2021. godine.

UNIVERZITET U TUZLI  
Broj: 03-2795-1-19/24  
Tuzla, 22.05.2024. godine

